

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



Avant ch'ils burgais decidan

Oz, gievgia decida la radunanza da vashchins da Scuol davart il project Solar.

Pagina 7



Avant 40 onns sin il glatscher dal Vorab

Ina descripsiun dad ina fotografia or da l'archiv – dil temp cura ch'ins saveva anc ir cun skis la stad.

Pagina 5

FMR FUNDAZIUN MEDIAS RUMANTSCHAS

südostschweiz

SURSELVA

«SRF bi de Lüt» a Murschetg

Sonda sera emetta la television dalla Svizra tudestga SRF ina show directamein da Laax. Buca mo Laax, l'entira regiun Flem Laax Falera, survegn ina pulita plattafuorma cull'emission «SRF bi de Lüt». Ils moderaturs Salar Balnampoori e Fabienne Cyrvegnan a discuorer denter auter cun Andreas Caminada. Il renouma cuschnier vegn a mussar sia patria. Era ils scolars da Falera han ina rolla ell'emission. Il plaz amiez ils Rocks a Murschetg porscha plaz a rodund 1500 persunas. Tontas astgan vegnir, prender plaz e guder ina «gronda chista» directamein e live. Dapi gliendisgis ei l'equipa dalla tecnica leu ed installescha l'entira infrastruttura da cabels, cazzolas, sochels ed antennis. Kurt Schwaller meina quell'equipa. (fmr/abc)

Pagina 3

GRISCHUN CENTRAL

La giotta per la biera è raccolta



La speia (san) avant igl scuder e siva digl scuder.

FOTOS: DON NUTTEN STÖDER

La garnezza cultivada an Surmeir è an emprema lengia giotta. La vendita vign promuveida siva da blers onns dalla cooperativa Gran Alpin. La raccolta da chest onn è bungia e vo quasi cumpletamaing ainten la produziun da biera, per part dall'atgna biera cu gl nom Gran Alpin. Dalls 170 tonnas giotta per far biera tgi vignan raccoltadas ainten las regiuns muntagnardas digl Grischun dereiva radond en terz digls 20 pours da Surmeir. Las davosas treis emdas è sto igl taimp da scuder an Surmeir. Tranter igls raccoltaders èn er bab e fegl Buchli da Solas Soura. 2,1 tonnas giottas per far biera on els raccolto. (fmr/gns/sab)

Pagina 8

ENGIADINA

Donizetti, Händel e Grönemeyer

Il bariton Chasper Curò Mani e sia Operetta Plazetta sun quist an in viedi e faun in gövgia e venderdi üna fermada a Zuoz. Il bôt da l'Operetta Plazetta es dad inscener mincha duos fin trais ans operas in lös particulers scu la Plazetta ad Ardez cun simpels mezs e cun ün cler referimaint al lö ed a la lingua rumantscha. L'opera vain cumbineda ed intrescheda cun oters geners da musica scu p.ex. musica populara e chanzuns popularas rumantschas. Uschè vain quist eivna rapreschanto a Zuoz l'operetta «4 cornas per ün Halleluja», ch'ed es ün'adapziun da l'opera «Rita» da Gaetano Donizetti – però triling e cumpletto cun töchs musicals da Händel fin Herbert Grönemeyer. (fmr/cam)

Pagina 7

Express solar – termin è fix

Adina dapli plans per implants solars alpins datti en il Grischun. Ma era sch'i vegn projectà en tutta furtina, na basta il temp forsa betg. Tenor l'express solar stuessan quests gronds implants furnir energia gia la fin dal 2025. Pudessan ins prolongar il termin?

CLAUDIA CADRUVI/FMR

Èsi be sportiv ed ambizius? U èsi perfin nunpussaveil? En il Grischun datti da preschent plans per blers gronds implants solars aualpins. Quels ston furnir l'emprima energia gia fin ils 31 da december 2025, schiglioc na profitan els betg da proceduras simplifigadas inclus subvenziun. L'express solar ha il Parlament federal mess sin via cun in conclus federal urgent e cun scursanir proceduras democraticas. I n'ha per exempel dà nagina consultaziun.

Sin la dumonda, sch'ins possa dar in pau dapli temp a l'express solar, di il cusseglier dals

«In conclus federal urgent è adina terminà e na sa lascha betg prolongar, gliez cuntrafascchess a la constituziun.»

Martin Schmid, cusseglier dals chantuns

chantuns Martin Schmid cler e net: «Na, i na va betg.»

«In conclus federal urgent è adina terminà e na sa lascha betg simplamain prolongar, gliez cuntrafascchess a la constituziun», di il cusseglier dals chantuns.

Ses collega dal Vallais Beat Rieder conferma la difficultad da prolongar in conclus urgent. Tuttina argumentescha el main strict. Sch'ils projects vegnian bloccads cun recurs fin al Tribunal federal, stoppia il parlament forsa tuttina discutir surlonder.

Pagina 2

«Il schinumnu «schlepper» che «schleppa» si mei leu mintgama d'unviern ei ruchs e sperts ed ins sto setener ferm.»

Sandro Buchli sa regorda gugent dal Vorab - era en sia columna. – Pagina 5



FOTO: HANS HUONDER

Inschign da cumbinar e formar

Lenn vegl, fier da ruina e crappa – tut material anflau spel Rein – nezegia Sergio Marques da Disla per scaffir sias sculpturas. Ina schelta da quellas ei da veser quest e l'auter meins el Center Aua Via a Mustér. Entschiet ha el cun quella lavur creativa cun regjiar ina rucla ord in bloc da lenn. Biaras autras ruclas pli grondas e pli pintgas ein suandadas e la fin finala era auters objects. La cumbinaziun da lenn vegl cun fier da ruina ni crappa mulada dall'aua ei fascinonta ed interessanta enina. (fmr/hh)

Pagina 3



40037 Servetsch d'abunents e da distribuziun: tel. 0844 226 226 mail: abo@somedia.ch

9771424749004